

寧遠縣志

建置事紀
祠祀

第二冊

中南軍政委員會
民族事務委員會
材料字第 54 號

御製詩經

卷之四

四



寧遠縣志卷第三

建置

寧遠故城可考見者有二春陵城在今縣北六十里柏家村冷道城在今縣東南三十里簫韶峯下二城故址尚存惟延唐城今不知處宋乾德三年遷今治初無城垣明洪武二年知縣朱公履始築土城高八尺厚三尺周三里二十九年設守禦千戶所拓城西為軍營加築高一丈一尺厚五尺周四里壘以石立東西南北小南五門覆以串樓七百十五間建敵樓七濬隍長五百八十丈闊二丈深五尺正德六年苗變十二年知縣王選頗有修濬嘉靖十八年知縣周諒勝其五門東曰文昌西曰武定南曰迎薰北曰拱辰小南曰會濂萬曆三年靖州牧蔡光攝縣事議請撤串樓改砌

石城增高五尺訖未舉行十九年知事李希牧得請於大府期以九月始事亦未果二十年知縣王時春始改甃石城郡人陳憫有記其後百餘年間牆垣堆堞時有坍塌至清乾隆五十四年知縣汪輝祖倡議修復身督其役完好如初咸豐六年知縣劉如玉以縣人歐陽澤闡等之請復補葺石基甃垣濬隍深六尺並於城西穿籌防井十年知縣雷壽南造礮臺四建靖遠樓於城東所以備寇也壽南有記入中華民國縣人蕭志仁歐冠等倡闢二門西南曰文化東北曰武備二十八年縣長李毓九增闢二門西曰抗戰西北曰建國二十九年又於南城增闢一門曰勝利凡此皆所以避倭飛機來襲使出民也小南門於康熙三十八年知縣陳嘉以事堙之今失其處或曰開文化門時掘土得石限是其遺址置其

然乎舊有譙樓四今增文化武備二門為六清咸豐間所築礮臺
久廢近年始修復之一在東門與勝利門間一在武備門與東門
間一在北門與武備門間一在建國門與北門間一在文化門與
抗戰門間而隍池則久已淤為田矣城勢橢圓贏於東西而縮於
南北城垣由東門至勝利門三十一丈八尺八寸七分勝利門至
南門九丈七尺五寸南門至文化門一百四丈四尺五寸四分文
化門至抗戰門七十六丈七寸七分抗戰門至西門四十四丈一
寸六分西門至建國門九十四丈六寸五分建國門至北門七十
九丈五尺七寸二分北門至武備門九十五丈九尺四寸武備門
至東門八十四丈九尺一寸二分凡六百二十丈有七尺計四里
又五百分里之六十九女牆高五尺四寸石基高東門一丈一尺

七寸南門九尺六寸西門一丈一尺四寸北門一丈二寸基厚東門一丈二尺南門六尺六寸西門一丈二尺北門八尺一寸凡丈里皆以市尺計之雉舊有八百有五中華民國十六年毀於寇縣人歐寇修復之長短不一凡四百二十有七

縣政府舊在丁字街中華民國十六年土寇陷城燬之改遷今地蓋宋故學宮也學宮一曰文廟一曰孔子廟立學始於唐在泮道故城東五十里宋遷今治乾德間建學於此明洪武二年知縣朱公慶重建置學糧六百石永樂十七年燬洪熙初知縣劉童成化十一年知縣唐惟善相繼修復宏治六年知縣梁元振加建櫺星門嘉靖十五年知縣周諒惑於形家言遷學於東郭知府趙儒有記

舊志
失載

二十六年知縣劉孔愚復移故地而重建之中為大成殿

其旁為東西廡前為戟門門左為名宦祠右為鄉賢祠更前為櫺
星門門外為頻池池左為登聖坊右為步賢坊殿之左為明倫堂
為進德修業兩齋為儀門為儒學門門外三坊曰青雲曰丹桂曰
成德殿之後為啟聖祠為尊經閣為敬一亭為學倉而教諭訓導
兩署分居其左右焉劉孔愚既載其事而諸生復請羅洪先為文
記之隆慶六年署縣事道州判黃文科易櫺星門以石崇禎末燬
於兵燹清康熙七年宗人府丞高珩謁告舜陵見宮牆頽敗捐銀
二十四兩發縣修治十八年知縣徐經頗有興作工未竣而去二
十年知縣沈仁敷與教諭吳大本訓導陳鐸踵成之四十八年知
縣徐旭旦乾隆七年知縣蔣德重相繼有修葺之役德重為之記
十四年訓導陳登庸建騰蛟起鳳二門三十三年知縣詹爾廉以

歷年兵火之餘雖有補治而因陋就簡其制未備於是盡易其舊而殿廡階墀咸為改觀教諭署移建廟右頭門三楹進為儀門再進為明倫堂後為雜舍又其右為訓導署堂二重皆三楹乾隆間訓導張世銓加建雨亭書房前為濂溪祠祠左為忠義孝友祠右為節孝祠爾廉有記嘉慶元年教諭于公衮重修周垣照壁凡牌扁楹楠戶牖悉加丹雘益煥然增其美矣迨光緒間別建新學於城西教諭署亦於其時遷移新學旁惟訓導署仍舊耳宣統間改訓導署為保惠堂中華民國元年設臨時縣議會悉將舊學撤毀啟聖祠改建為正副議長室大成殿改建為議場名宦鄉賢祠改建為圖書室又於其前建新舍凡為屋四重制仿泰西建築之式無復夏屋渠渠之觀矣東廡與教諭署雜舍則改建為樓以居議

員西廡改建為廊房置庖湍僕役之室自縣政府遷入後以議場為辦公廳圖書室為司法處二十九年縣長李毓九闢府前廢地為花園護以碧欄有與民同樂之意焉

縣黨部舊為縣署中華民國十六年燬於寇僅餘大堂西花廳儀門戒石亭二十七年縣黨部遷居大堂其西花廳則分置動員委員會產欸經理處而儀門戒石亭今亦撤毀矣縣署始建不詳明洪武二年知縣朱公慶嘉靖十九年知縣周諒萬曆二十三年知縣王時春相繼重修中為大堂舊題曰仁民堂清乾隆初知縣鍾人文改題曰民之父母三十九年知縣陳丹心又改題曰好惡同民陳扁與明萬曆間侍御趙文炳所書節用愛民四字光緒間猶存兩序為吏舍中為甬道立戒石亭東為阜隸亭西為經制廳其

前為儀門三楹角門左右皆二楹儀門外右為監獄左為土地祠
又其前為頭門左右為楹二門外舊有旌善申明二亭後廢大堂
後為聽事之所俗稱公座左為庫房右為號房公座後為二堂明
時曰中和堂鍾人文改曰四知堂堂左屋三間又有書室三楹為
簽押標判之所其西為花廳三楹康熙末知縣李大本建廳之前
為惜陰書屋知縣吳繩祖建以課子者也二堂後為退思軒軒右
軒後皆為屋三楹此私室也近簷處有一柏一桂二百年物也光
緒間猶存今摧為薪矣軒左為東書房乃明時主簿解乾隆間知
縣王作賓於其址建看鶴軒又為屋三間其後百餘年屢經營造
不復識其處矣署後周以垣墉園池皆備池中築小阜阜前有阜
英一株大十餘圍枝葉扶疏下立寒碧亭知縣李蒞建登亭而望

全城皆在眼底惜其後知縣某惑於風水盡去之矣
教育局在縣政府右舊教諭訓導署也訓導裁後設保惠堂於此
入中華民國明倫堂改為中山紀念堂今兩署通并為一二十八
年教育局遷寓其中規制無多改變惟署前濂溪祠忠義孝友祠
節孝祠則已撤毀并入教育局矣

警察局在文星街舊考棚也其址初為舂陵書院清嘉慶八年知
縣蔣震以縣無考棚試士假官廨為之不能容多士乃與縣人樊
在陸等議撤書院創建之越二年落成外環以埧前為頭門三楹
左右各為舍一次為儀門亦三楹中為甬道東西兩廊為號舍可
坐千四百餘人由甬道直上為大堂東西亦設號舍皆三間堂後
為閣門有過亭亭以上為後堂亦三楹堂之左右又各為舍一最

後為文昌閣規模宏敞當時營造稱最蔣震有記宣統元年改為養正學堂中華民國二年改為行政廳其後又改為貧民習藝工廠二十七年警察局遷入其中廨舍屢經改易非復舊觀矣

稅務局在文星街舊糧房也糧房舊志失載始建不詳清道光十八年知縣張邦佺重修邦佺有碑記大門三楹堂二重皆三楹左右有雜舍十數間今正堂改置辦公處其他仍舊

監獄署在稅務局後舊曰典史署通曰捕廳清康熙五十四年建乾隆三十八年重建道光三十四年典史彭玉清重修頭門三楹堂三重皆三楹有過亭連之東書房三楹差房一間正堂下左方建卑役值宿房右方建書識房又立土地祠於正廳之東今規模未改而頽敗不堪居矣

守備署在北正街與今衛生事務所相對舊有正廳門樓照牆今廢為民房歸王姓其門樓猶存署左為箭道有亭三楹今歸李姓改建為宗祠矣

城守把總署在登龍街舊有官舍兵房皆六間中華民國六年廢為民房歸周姓今題曰周氏公館者也

車頭把總署在車頭汛今車頭舖距縣城二十五里舊有官舍兵房皆

六間今廢

左千戶所在東門外今廢

巡檢署舊設九疑山魯觀洞有屋三間清道光以來屢經兵火無力修復賃居城內宣統二年巡撫楊文鼎奏請裁撤

民衆教育圖書館在西門內舊為火神廟一名乾元宮清乾隆十

七年知縣鍾人文毀普濟寺改建五十四年知縣汪輝祖重修後堂穿堂皆三楹正堂五楹有戲臺在大門內已毀中華民國初年改建為高等小學堂其後勸學所教育局教育會曾設於此三十年民眾教育圖書館遷入焉

救濟院中華民國十八年設初賃居城東三元書屋後遷入育嬰堂育嬰堂者昔之種善堂也在武廟前清咸豐七年縣人樂顯鉅蕭國光等建凡五楹大門內為過亭上奉魁星像左右為雜舍倉廩堂後為臺奉包孝肅像其左為花廳置田五百畝納穀九百餘石有生女力難撫育者歲助錢三千迨救濟院立改堂為所與貸款所殘廢所施醫所並屬之今貸款所裁撤矣殘廢所設西門外為舍二凡十餘間甃以墜施醫所則在北正街中華民國十九年

就廣益錢局改建初置西藥部為屋二重皆有樓前為藥房及診所後為病室越年增設中藥部就其右餘屋為之二十八年西藥部改為衛生事務所不隸救濟院三十年又改為衛生院而救濟院則於二十八年遷入中藥部至育嬰堂今暫假為志局

兵房在西門外二里許中華民國十九年縣人歐冠倡建地面廣袤約四百餘丈周環以埕東西隅設瞭望臺門外為防空洞古樟蔽之其下為升旗處前為馬廐左為器械操場更左為外操場場大可容三千人入門為天井進為衛舍左右皆二室再進為花臺其後為大廳制仿泰西建築法有樓上下凡十九間南北闕窗挿以頗黎晴日登望可見九疑諸峯凡官佐辦公接客寢息皆在此廳後又有三間為會食之所最後為雜舍並列凡三十餘間庖福

圖庫咸備廳東西為營房各為屋二皆三間每間可容五十餘人
接於營房者為教室為內操場東西各一四周隙地植梧桐花木
大廳營房教室雜舍皆通以長廊雖雨不濡足說者謂縣中文廟
與兵房規模之大甲於全省云

社稷壇在西門外今廢

南壇在南門外今廢

厲壇在北門外今廢

先農壇在南門外壇後立神廟舊有正屋三間左右雜舍五間今
廢

龍神祠在西門內清乾隆五十三年知縣許第創建工未竣而去
知縣汪輝祖踵成之為屋三重皆三間頭門左又有屋三間門外

有戲臺今廢

城隍廟在北正街正堂穿堂後堂皆三間正堂兩廡六間大門儀門皆三間拜亭戲臺畢具始建不詳清嘉慶四年知縣吳繩祖重修廟左為靈順祠為屋三重俗呼小廟清雍正間知縣蔣德重重修今置城樞鎮公所

文昌廟舊為文昌閣在考棚後清嘉慶八年知縣蔣震建光緒元年改閣為廟境內文昌閣不一最著者有四東文昌閣在城東門外建自明萬曆三十九年清康熙三十六年縣人樊君重重修乾隆十年君重曾孫名世又重修之三十九年黃流香等重建並祀周子於堂名世有記今改為泠東學校南文昌閣在城南門外縣人王定元建自為之記清咸豐四年燬光緒元年重建今在泠南